

BIZKAIKO EMAITZAK AZTERGAI

Bizkaiko herri batzuen emaitzak

Joseba Arruti | BILBO

EAJ-EA koalizioa inon eroso moldatzen bada, Bizkaian izaten da. Nagusitasun hori inoiz baino zabalagoa izan zen herenegungo EAEko hauteskundeetan, herrialdeko 111 udalerrietatik guztietan gailendu baitzen, Ermuan izan ezik. Gainera, Bilbon eta Ezkerraldean irabazteak erabatekotasuna eman zion koalizioak aberzalekasunaren baitan ordezkatzeko duen esparrua hirietan etenik gabe gainbehera zihoala zioen ustea ustel bihurtu zuen.

1998ko urrian egin ziren hauteskunde autonomikoetatik igoera ikusgarria izan du Bizkaian EAJ-EAk: %25,54 hain zuzen ere. Orduan baino 67.855 boto gehiago lortu ditu koalizio abertzaleak, eta PPren eta PSE-EEren arteko batuketaren gaitetik geratu da, hamabost mila botoko aldearekin. Iazko hauteskunde orokorretan PP eta sozialisten batuketak EAJ eta EArenek baino hirurogei mila boz gehiago bildu zituen, eta horrek ematen du herenegun egondako aldaketaren neurria.

Portzentajearen gehien hazi den talde politikoa PP izan da (%28,33), baina bere 179.763 botoak oso urruti geratu dira EAJ-EAren 333.493etatik. Hala ere, iazko hauteskunde orokorretako emaitzekin alderatuta, Ibarretxe lehendakariaren koalizioa %30,51 hazi da, eta popularrak %1,40 besterik ez.

Porrot handiena EHk jaso du Bizkaian. Eusko Legebiltzararako aurreko hauteskundeetatik ia berrogei mila boto galdu ditu, %38,52 hain justu. Gainera, alkatetzak dituen hainbat herritan ere EAJ-EAren azpitik geratu da: Ondarroan, Lekeition eta Elorrian, esaterako.

Bizkaia Batzar Nagusietarako bozetan banatzen den barrutiei erreparatu gero, EAJ-EA da nagusi guztietan, nahiz eta batzuetatik besteetara aldatu egiten den bere aurkari politikoei ateratzen dien alde. Hala, Bilbon %38,85eko sostengua jaso zuen domekan, PPrenaren %30,09ren aurrean. Enkarterrietan ere Juan Mari Atutxaren zerrendak %38,01 jaso zuen, eta bigarren geratu zen PPk ez zuen %22,56tik gora egin.

Durango-Arratian eta Busturia-Uriben EAJ-EArenaganako atxikimendua are zabalagoa da: Lehenengoan %45,64koa, eta bigarrenean %54,66koa. Kasu bietan PP izan da bigarren, baina %20tik gora egin barik.


EAJ-EAren 33 legebiltzarkideetatik 12 bizkaitarrak izango dira eta, 1977tik hona jazo den bezala, EAEko herrialde populatuena izan da Ibarretxeren arrakastaren oinarri sendoetakoa.

Durango	Erandio	Ermua	Gernika-Lumo	Getxo
1998 2001	1998 2001	1998 2001	1998 2001	1998 2001
EAJ-EA 6.416 8.536	EAJ-EA 5.196 876	EAJ-EA 1.671 2.247	EAJ-EA 5.367 6.869	EAJ-EA 20.712 24.641
PP 2.807 3.568	PP 1.901 2 770	PP 3.422 4.199	PP 994 1.189	PP 16.292 19.373
PSE-EE 1.939 2.258	PSE-EE 2.700 2 930	PSE-EE 3.501 3.496	PSE-EE 766 877	PSE-EE 5.703 7.395
EH 2.919 1.907	EH 1.854 1 110	EH 910 542	EH 2.489 1.639	EH 6.059 3.418
IU-EB 679 857	IU-EB 871 813	IU-EB 726 655	IU-EB 253 341	IU-EB 2.425 2.737

Bermeo
1998 2001
EAJ-EA 6.726 8.871
PP 489 620
PSE-EE 619 611
EH 2.434 1.457
IU-EB 194 249

Basauri
1998 2001
EAJ-EA 9.520 11.834
PP 5.422 7.379
PSE-EE 7.100 7.725
EH 3.321 1.983
IU-EB 1.884 1.854

Barakaldo
1998 2001
EAJ-EA 14.869 19.357
PP 12.543 17.395
PSE-EE 16.201 17.679
EH 6.040 3.441
IU-EB 4.804 4.416



Bizkaiko emaitzak urtez urte

	2001	1998		Aldea 1998-01		2000		Aldea 2000-01
EAJ-EA	333.793	265.638	↑ +25,54	+67.855		255.526	↑ +30,51	+77.967
PP	179.763	140.074	↑ +28,33	+39.689		177.272	↑ +1,40	+2.461
PSE-EE	138.510	125.834	↑ +10,07	+12.676		148.670	↓ -6,5	-10.160
EH	61.705	100.377	↓ -38,52	-38.672		-	-	-
EB-IU	43.529	42.714	↑ +1,9	+815		37.677	↑ +15,53	+5.852

J. APEZTEGIA

EAJ-EA koalizioa alde handiz nagusitu da Bizkaian


Ermuan izan ezik, herrialdeko beste udalerri guztietan nagusitu zen

PPk iazko nagusitasuna galdu zuen domekan

Bilbo EAJ-EAren eskutara itzuli zen herenegun, PPko buruzagiek azken hilabeteotan zabaldutako teoretikotatik birrinduz: EAEko aldakuntza politikoa boto urbanoaren eskutik etorri zela zioen, hain zuzen ere.

PPk eta sozialistek konfiantza handia zuten teoria horretan. Euren iritziz, abertzaleasuna indarra galtzen ari zen, herri txikiak mugatzen, eta gizarteko sektore dinamikoak euren aldeko apustua egiten hasiak ziren. Hala, hauteskunde gauean lehen emaitzak plazaratu zirenean, behin eta berriro errepikatu zuten hirietako emaitzek emango zirela garaipena.

Dena den, iazko hauteskunde orokorretan Bilbon, estreinakoz, PP gailendu ostean, domekan Juan Mari Atutxa-



91.630

75.634

70.988

57.091

43.054

38.364

25.352

14.815

13.781

J. APEZTEGIA

ren zerrenda izan zen bozkatuena.

EAJ-EA koalizioak 91.630 boto lortu zituen herenegun, 1998an baino hamabost mila gehiago. PP urrun samar geratu zen, 70.988 atxikimendurekin. Hala ere, popularrek duela bi urte lortutako babesak EAJ-EAk adina handitzea lortu zuten.

Gainerako alderdi politikotik guztiak dezente atzerago geratu ziren. PSE-EEk 43.054 boto jaso zituen, 98an baino ia bost mila gehiago. EH izan zen jaitsi zen bakarra, parte hartzea 98koarekiko hamar puntu hazi zen arren. Ezker abertzaleak bere botoen erdia inguru galdu zuen eta EB-IUren atzetik geratu zen.

BARAKALDO. PSE-EEren gotorlekuetakoa den udalerriak Juan Jose Ibarretxeren alde egin zuen iragan domekan. Ia bi mila botoko aldea ateratzen zion EAJ-EAk PSE-EEri, eta PPren hatsa ere kokotean sentitu zuten sozialistek, hirurehun boto azpitik geratu zitzaizkielako. Gainera, koalizioa lau mila boto hazi da aurreko autonomikoetatik, PPbost mila eta PSE-EE mila eta bostehun besterik ez.

DURANGO. EAJ-EA koalizioak ia botoen erdia lortu du, EH aurreko hauteskunde autonomikoetan bigarren alderdia izateko oraingoan laugarrena izatera igaro den bitartean. PPk ia mila botoko igoera izan du iaz ETAk Jesus Maria Pedrosa zinegotzia hil zuen herrian.

ERMUA. Udalerrri hau izan da Bizkaian EAJ-EAri bizkarra eman dion bakarra. Totorika alkatetik sozialistak gehiago osoa du udalean, baina herenegun PPk aurrea hartu zion alde handiz. Popularrek 4.199 boto lortu zituzten, PSE-EEk 3.496 eta EAJ-EAk 2.247. EHk zituen 910 botoen ia erdia galdu zuen, eta EB-IUren azpitik geratu zen.

GERNIKA-LUMO. Foru hiria jeltzaileen esku egon da beti, eta domekako hauteskundeek ez zuten aldaketarik ekarri. Hala, EAJ-EA koalizioak erraz gainditu zuen botoen erdia, %62 eskuratuz. Abstentzioa oso txikia izan zen Gernikan, %14koa besterik ez. EHk bigarren indar legez eutsi zion, baina zortziehun boto galdu zituen, garaileengandik oso urruti geratu: EAJ-EAk 6.869, EHk 1.639. PP eta PSE-EE ohiko mila boto inguruan geratu ziren.

GETXO. PPk gogor ekin dio udalerri honetan Iñaki Zarrakoa alkatetik jeltzalearen aurka. Hala, udalerri garrantzitsu honetan atentatuak edo kale erasoak gertatu diren bakoitzean, auzapezak irain ugari jasan behar izan ditu, popularren aldetik ETArekin bat egitea leporatze-ara heldu direlarik. Hala ere, sumindura horrek ez dio kalterik egin EAJ-EAri eta sei mila botoko aldea ateratzen dio PPri, 98an baino ia lau mila gehiago.

ONDARROA. Bizkaiko kostaldeko herri hau izan da EHren beherakada nabarmenaren isla. Ezker abertzalearen esku dago bertako alkatetza eta aurreko hauteskunde autonomikoetan zerrenda bozkatuena izan zen. Domekan, hala ere, EAJ-EAk hartu zion aurrea: zortziehun botoko igoera izan zuen eta EHk seiehuneko jaitsiera. Alderdi espainolistek ez zuten aldateta handirik izan, eta testimonialak izaten jarraitzen dute.